

C. CORNELII TACITI  
AB  
EXCESSV DIVI AVGVSTI  
A N N A L I V M  
LIBER QVINTVS DECIMVS.

---

BREVIARIVM LIBRI.

Cap. 1. 2. *Vologeses Rex Parthorum bellum mente volvit, instigantibus fratre Tiridate et Monobazo Adiabeno, quem Tigranes vexarat.* 3. *Corbulo Syriæ tuendae providet.* 4. *Parthi Monese Duce Tigranocerta obsident.* 5. *Vologesi Corbulo inducias offert et impetrat.* 6. *Caesennii Paeti Armeniae recens praefecti vanitas,* 7. 8. *ferocia, imperitia, iactantia.* 9. *Ab invadenda Syria Corbulo absterret Parthos, qui* 10. *Armeniae et Paeto incumbunt.* Hic aegre Corbulonem auxilio vocat, 11. *Parthis prementibus.* 12. *Is, in Armenia profectus, fugientes obiurgat, suos hortatur.* 13. *Vologeses instat Paeto.* 14. *Disceptatio inter Romanos et Parthos, ex qua* 15. *Paeti foeda compositio.* 16. *Corbulo in Armeniam venit.* 17. *Paeto increpito Syriam repetit.* 18. *Romae inania de Parthis tropaea.* *Frumentum plebis. Vectigalia.* 19. *SC. de simulatis adoptionibus.* 20. 21. *Clavius Timarchus Cretensis adcausatur, quod Thraseum Paetus ad bonum publicum vertit.* 22. *Decretum,*

grates Praesidibus non agendas. Portenta. 23. Ob filiam Neroni natam inmodica gaudia et frustranea. In Thraseam Principis odium.

24. Legati Parthorum Romae inrisores. 25. Bello Armeniaco praeficitur Corbulo. Paetum Caesar facetiis insectatur. 26. Corbulo in Armeniam ducit exercitum. 27. Legatos Parthorum audit. Defectores Armenios ulciscitur. 28—30. Tiridates a Corbulone pacem petit et, posito apud effigiem Caesaris insigni Regio inpetrat, comiterque excipitur a Corbulone. 31. Vologeses pro fratre sollicitudo.

32. Alpinos maritimós Nero in ius Latii transfert. Equitum Rom. in circo locos sedilibus plebis anteponit. Feminae inlustres Senatoresque in arena. 33. Nero ipse Neapoli scenam inscendit. 34. Theatrum ruit. Beneventi Nero munus Vatinii spectat. 35. Torquatum Silanum mori adigit. 36. Iter frustra meditatur in Orientem. 37. Convivia luxu foeda celebrat, ministro Tigellino. Pythagorae nubit. 38. Clades Romae ex incendio, forte, an dolo Principis, qui 39. in remedium multa popularia usurpat. 40. 41. Cladis magnitudo. Norae urbis condenda consilium, 42. Ex patriae ruinis iuvensam domum extruit Nero. Maiora frustra molitur. 43. Norae urbis facies. 44. Petita Diis piacula, frustra. Incendi invidia in Christianos devoluta, misere excruciatos. 45. Italianam, socios, templa spoliat Nero; aversantem id Senecam veneno petit.

46. Gladiatorum eruptio apud Praeneste. Classis ad Misenum amissa. 47. Prodigia. 48. Coniuratio Pisonis in Neronem. 49. 50. Coniuratorum nomina, mores, odiorum in Neronem caussae. Iis accedit Rufus, Praefectus Praetorio. Subrii inpetus. 51. Epicharis classem tentans proditur. 52. Coniuratorum inpetus retardatus a Pisone ob sacra mensae. 53. Aliud coniuratorum consilium. 54. Scerini impruden-

lia. Milichus servus herum defert, qui egregie se defendit, sed muliebri astutia deprehenditur. 55. 56. Natalis coniurationem fatetur, Pisonem, Senecam novinat, Lucanus matrem. 57. Epicharis, tormentis dilacerata, mirum fidei exemplum praestat. 58. Nero reos audit, quos violenter urget Rufus, dissimulata conscientia. 59. Piso, neglectis amicorum monitis, occiditur. Eius testamentum et uxor. 60. 61. caedes Laterani et Senecae. huius defensio spreta, 62. supremi sermones, 63. amica contentio cum uxore, 64. cuius mortem inhiberi Nero imperat. Senecae cruciatus, mors, funus. 65. Ipse destinatus Imperator. 66. Rufus proditur. 67. Subrii Flavii, 68. Aspri, aliorum constantes voces et exitus. Rifi mollities. 69. Nero Vestinum quamvis insontem interimit; 70. mox Luca-  
num, Senecionem, Quintianum, Scevinum. 71. Simulata per urbem gaudia. Indicibus praemia, suspectis militiae vacatio, aliis exsilium, 72. Turpiliano, Nerrae, Tigellino triumphalia, Nymphidio Consularia insignia data. 73. Nero adversum rumores se purgat. Gallionis periculum. 74. SC. ob servatum Neronom. Pugio Scevini dicatus Iovi Vindici. Gesta haec annis paullo amplius tribus

C. MEMMIO REGVLO. VERGINIO RVFO. C.  
LECANIO BASSO. M. LICINIO CRASSO. P.  
SILIO NERVA. C. IVLIO ATTICO VESTINO  
COSS.

---

**I**nterea Rex Parthorum Vologeses, cognitis Corbulonis rebus, Regemque alienigenam Tigranen Armeniae inpositum: simul, fratre Tiridate pulso, spretum Arsacidarum fastigium ire ultum volens; magnitudine rursum Romana, et continui foederis reverentia, diversas ad curas trahebatur: cunctator ingenio, et defectione Hyrcanorum, gentis validae,

multisque ex eo bellis inligatus. Atque illum ambi-  
guum novus insuper nuntius contumeliae exstima-  
lat: quippe egressus Armenia Tigranes Adiabenos,  
conterminam nationem, latius ac diutius, quam per  
latrocinia, vastaverat: idque primores gentium ae-  
gre tolerabant: *eo contemptionis descensum*, ut ne  
*Duce quidem Romano incursarentur, sed temeritate*  
*obsidis, tot per annos inter mancipia habiti.* Accen-  
debat dolorem eorum Monobazus, quem penes Adia-  
benum regimen, *quod praesidium, aut unde peteret?*  
rogitans. *Iam de Armenia concessum: proxima tra-  
hi, nisi defendant Parthi: levius servitium apud Ro-  
manos deditis, quam captis, esse.* Tiridates quoque  
Regni profugus, per silentium aut modice querendo,  
gravior erat. *Non enim ignavia magna imperia con-  
tineri: virorum armorumque faciendum certamen. Id*  
*in summa fortuna aequius, quod validius.* Et sua re-  
tinere privatae domus: *de alienis certare, Regiam lau-  
dem esse.*

II. Igitur commotus his Vologeses concilium vo-  
cat, et proximum sibi Tiridateu constituit, atque ita  
orditur: *Hunc ego, eodem mecum patre genitum, cum*  
*mihi, per aetatem, summo nomine concessisset, in pos-*  
*sessionem Armeniae deduxi; qui tertius potentiae gra-*  
*dus habetur. nam Medos Pacorus ante ceperat. vide-*  
*barque, contra vetera fratrum odia et certamina, fa-*  
*miliae nostrae Penates rite composuisse. prohibent*  
*Romani, et pacem, ipsis numquam prospere lacescitam,*  
*nunc quoque in exitium suum abrumpunt. Non ibo*  
*inficias: aequitate quam sanguine, caussa quam ar-*  
*mis, retinere parta maioribus malueram. si cunctatio-*  
*ne deliqui, virtute corrigam. Vestra quidem vis et*  
*gloria in integro est, addita modestiae fama: quae*  
*neque summis mortalium spernenda est, et a Diis ae-*  
*stimatur. Simul diademate caput Tiridatis evinxit;*  
*promptam equitum manum, quae Regem ex more*

TACITVS I.

Z

sectatur, Monesi, nobili viro, tradidit, adiectis Adiabenorum auxiliis: mandavitque, *Tigranen Armenia exturbari*, dum ipse, positis adversus Hyrcanos discordiis, vires intimas, molemque belli ciet, provinciis Romanis minitans.

III. Quae ubi Corbuloni certis nuntiis audita sunt, legiones duas cum Verulano Severo et Vettio Bolano subsidium Tigrani mittit, occulto praecepto, *compositius cuncta, quam festinantiū, agerent*. quippe bellum habere, quam gerere malebat. Scripseratque Caesari, *proprio Duce opus esse, qui Armeniam defendere*: *Syriam, ingruente Vologese, aciore in discrimine esse*. Atque interim reliquas legiones pro ripa Euphratis locat: tumultuariam provincialium manum armat: hostiles ingressus praesidiis intercipit.

IV. Et, quia egena aquarum regio est, castella fontibus inposita: quosdam rivos congestu arenae abdidit. Ea dum a Corbulone tuendae Syriae parantur, acto raptim agmine Moneses, ut famam sui praeiret, non ideo nescium aut incautum Tigranen offendit. Occupaverat Tigranocerta, urbem copia defensorum et magnitudine moenium validam. Ad haec Nicephorius, amnis haud spernenda latitudine, partem murorum ambit: et ducta ingens fossa, qua fluvio diffidebatur. Inerantque milites et provisi ante commeatus: quorum subvectu pauci, avidius progressi et repentinis hostibus circumventi, ira magis, quam metu, ceteros accenderant. Sed Partho ad exsequendas obsidiones nulla minus audacia, rariss sagittis: neque clausos exterret, et semet frustratur. Adiabenī, cum promovere scalas et machinamenta inciperent, facile detrusi, mox, erumpentibus nostris, caeduntur.

V. Corbulo tamen, quamvis secundis rebus suis, moderandum fortunae ratus, misit ad Voiogesen,

qui expostularent vim provinciae inlatam: socium amicunque Regem, cohortes Romanas circumsideri. omittet potius obsidionem, aut se quoque in agro hostili castra positurum. Casperius, Centurio, in eam legationem delectus, apud oppidum Nisibin, septem et triginta millibus passuum a Tigranocerta distan- tem, adiit Regem, et mandata ferociter edidit. Vo- logesi vetus et penitus infixum erat, arma Romana vitandi: nec praesentia prospere fluebant. inritum obsidium: tutus manu et copiis Tigranes: fugati, qui expugnationem sumpserant: missae in Arme- niam legiones: et aliae pro Syria, paratae ultro in- rumpere: sibi inbeccillum equitem pabuli inopia- nam exorta vis locustarum ambederat, quidquid her- bidum aut frondosum. Igitur, metu abstruso, mi- tiora obtendens, missurum ad Imperatorem Roma- num legatos, super petenda Armenia et firmando pace, respondet. Monesen omittere Tigranocerta iubet; ipse retro concedit.

VI. Haec plures, ut formidine Regis et Corbulonis minis patrata, magnifice extollebant. Alii, occulte pepigisse, interpretabantur; ut, omisso utrumque bello et abeunte Vologese, Tigranes quoque Armenia absce- deret. Cur enim exercitum Romanum a Tigranocer- tis deductum? cur deserta per otium, quae bello defen- derant? An melius hibernavisse in extrema Cappado- cia, raptim erectis tuguriis, quam in sede Regni modo retenti? Dilata prorsus arma, ut Vologeses cum alio, quam cum Corbulone, certaret; Corbulo meritae tot per annos gloriae non ultra periculum faceret. Nam, ut retuli, proprium Ducem tuendae Armeniae popo- scerat, et adventare Caesennius Paetus audiebatur: iamque aderat, copiis ita divisis, ut quarta et duo- decima legiones, addita quinta, quae recens e Mo- sis excita erat, simul Pontica et Galatarum Cappa- documque auxilia Paeto obdiren: tertia et sexta

et decima legiones, priorque Syriæ miles, apud Corbulonem manerent. Cetera ex rerum usu sociarent partirenturve. Sed neque Corbulo aemuli patiens; et Paetus, cui satis ad gloriam erat, si proximus haberetur, despiciebat gesta, *nihil caedis, aut praedae, usurpatas nomine tenus urbium expugnations dicti*ans: *se tributa ac leges, et, pro umbra Regis, Romanum ius victis inpositurum.*

VII. Sub idem tempus legati Vologesis, quos ad Principem missos memoravi, revertere inriti: bellumque propalam sumptum a Parthis. nec Paetus detrectavit, sed duabus legionibus, quarum quartam Funisulanus Vettomanus eo in tempore, duodecimam Calavius Sabinus, regebant, Armeniam intrat, tristi omine. Nam in transgressu Euphratis, quem ponte transmittebat, nulla palam caussa, turbatus equus, qui Consularia insignia gestabat, retro evasit. Hostiaque, quae muniebantur, hibernaculis ad sistens, semifacta opera fuga perrupit seque vallo extulit. et pila militum arsere, magis insigni prodigio, quia Parthus hostis missilibus telis decertat.

VIII. Ceterum Paetus, spretis omnibus, nec dum satis firmatis hibernaculis, nullo rei frumentariae provisu, rapit exercitum trans montem Taurum *reciperandis*, ut ferebat, *Tigranocertis, vastandisque regionibus, quas Corbulo integras omisisset.* Et capta quaedam castella: gloriaeque et praedae nonnihil partum, si aut gloriam cum modo, aut praedam cum cura, habuisse. Longinquis itineribus percursando, quae obtineri nequibant; conrupto, qui captus erat, commeatu, et instante iam hieme, reduxit exercitum, compositique ad Caesarem litteras, quasi confecto bello, verbis magnificis, rerum vacuas.

IX. Interim Corbulo nunquam neglectam Euphratis ripam crebrioribus praesidiis insedit: et, ne ponti iniciendo inpedimentum hostiles turmas

adferrent, (iam enim subiectis campis magna specie volitabant) naves magnitudine praestantes et con-nexas trabibus, ac turribus auctas, agit per annem, catapultis et balistis proturbat barbaros: in quos saxa et hastae longius permeabant, quam ut contra-rio sagittarum iactu adaequarentur. Dein pons con-tinuatus, collesque adversi per socias cohortes, post legionum castris occupantur, tanta celeritate et ostentatione virium, ut Parthi, omisso paratu inva-dendae Syriae, spem omnem in Armeniam verterent.

X. Ibi Paetus, inminentium nescius, quintam le-gionem procul in Ponto habebat; reliquas promi-scuis militum commeatisbus infirmaverat; donec, ad-ventare Vologesen magno et infenso agmine, audi-tum. Accitur legio duodecima, et, unde famam au-ti exercitus speraverat, prodita infrequentia: qua tamen retineri castra et eludi Parthus tractu belli poterat, si Paeto aut in suis, aut in alienis consiliis, constantia fuisse. Verum, ubi a viris militaribus aduersus urgentes casus firmatus erat, rursus, ne alienae sententiae indigens videretur, in diversa ac deteriora transibat. Et tunc, relictis hibernis, *non fossam neque vallum sibi, sed corpora et arma in ho-stem data*, clamitans, duxit legiones, quasi praelio certaturus. Deinde, amissso Centurione et paucis militibus, quos risendis hostium copiis praemiserat, trepidus remeavit. Et, quia minus acriter Volo-ge-ses institerat, vana rursus fiducia, tria millia delecti peditis proximo Tauri iugo inposuit, quo transitum Regis arcerent: alares quoque Pannonios, robur equitatus, in parte campi locat. Coniunx ac filius castello, cui Arsamosata nomen est, abditi, data in praesidium cohorte, ac disperso milite, qui, in uno habitus, vagum hostem promptius sustentavisset. Aegre compulsum ferunt, ut instantem Corbuloni fateretur. nec a Corbulone properatum, quo, gliscen-

tibus periculis, etiam subsidii laus augeretur. *Expediri tamen itineri singula millia ex tribus legionibus, et alarios octingentos, parem numerum e cohortibus, iussit.*

XI. At Vologeses, quāvis, *obsessa a Paeto itinera, hinc peditatu, inde equite, accepisset, nihil mutato consilio, sed vi ac minis alares exterruit, legionarios obtrivit, uno tantum Centurione, Tarquitio Crescente, turrim, in qua praesidium agitabat, defendere auso, facta saepius eruptione, et caesis, qui barbarorum proprius suggrediebantur, donec ignium iactu circumveniretur. peditum si quis integer, longinqua et avia; vulnerati, castra repetivere: virtutem Regis, saevitiam et copias gentium, cuncta metu extollentes, facili credulitate eorum, qui eadem pavabant. Ne Dux quidem obniti adversis, sed cuncta militiae munia deseruerat, missis iterum ad Corbulonem precibus, veniret propere, signa et aquilas et nomen reliquum infelicitis exercitus tueretur: se fidem interim, donec vita suppeditet, retenturos.*

XII. Ille interritus, et parte copiarum apud Syriam relicta, ut munimenta Euphrati inposita retinerentur; qua proximum et commeatis non egenum, regionem Commagenam, exin Cappadociam, inde Armenios petivit. Comitabantur exercitum, praeter alia sueta bello, magna vis camelorum, onusta frumenti, ut simul hostem famemque depelleret. Primum e percursis Pactium, primi pili Centurionem, obvium habuit, dein plerosque militum: quos, diversas fugae caussas obtendentes, redire ad signa et clementiam Paeti experiri monebat, se nisi victoribus inimitem esse. Simul suas legiones adire, hortari, priorum admonere, novam gloriam ostendere: non vicos aut oppida Armeniorum, sed castra Romana, duasque in iis legiones pretium laboris peti. Si singulis manipularibus praecipua servati civis corona Im-

peratoria manu tribueretur: quod illud et quantum decus, ubi par eorum numerus apisceretur, qui adtulissent salutem, et qui accepissent? His atque talibus in commune alacres, (et erant, quos pericula fratrum aut propinquorum propriis stimulis incenderent) continuum diu noctuque iter properabant.

XIII. Eoque intentius Vologeses premere obsessos, modo vallum legionum, modo castellum, quo inbellis aetas defendebatur, adpugnare, proprius incedens, quam mos Parthis, si ea temeritate hostem in praelium eliceret. At illi vix contuberniis extracti: nec aliud quam munimenta propugnabant: pars iussu Ducas, et alii propria ignavia, ut Corbulonem opperientes, ac, si vis ingrueret, provisis exemplis Caudinae ac Numantinae cladis. neque eandem vim Samnitibus, Italico populo, aut Hispanis, ac Parthis, Romani Imperii aemulis. Validam quoque et laudatam antiquitatem, quotiens Fortuna contra daret, saluti consuluisset. Qua desperatione exercitus Dux subactus, primas tamen litteras ad Vologesen, non supplices, sed in modum querentis compositus, quod pro Armeniis, semper Romanae ditionis, aut subiectis Regi, quem Imperator delegisset, hostilia faceret: pacem ex aequo utilem. nec praesentia tantum spectaret: ipsum adversus duas legiones, totis Regni viribus advenisse: at Romanis orbem terrarum reliquum, quo bellum iuvarent.

XIV. Ad ea Vologeses, nihil pro caussa, sed operiendos sibi fratres, Pacorum ac Tiridaten, rescripsit: locum illis tempusque consilio destinatum, quo de Armenia cernerent: (adiecisse Deos dignum Arascidarum,) simul et de legionibus Romanis statuerent. Missi post a Paeto nuntii, et Regis colloquium petiti, qui Vasacen, Praefectum equitatus, ire iussit. Tum Paetus, Luculos, Pompeios, et si qua Caesares obtinenda donandaeve Armeniae egerant; Vasaces,

*imaginem retinendi largiendive penes nos, vim penes Parthos, memoravit. Et multum invicem disceptato, Monobazus Adiabenus in diem posterum testis iis, quae pepigissent, adhibetur. Placuitque liberari obsidio legiones et decidere omnem militem finibus Armeniorum, castellaque et commeatus Parthis tradi. quibus perpetratis, copia Vologesi fieret, mittendi ad Neronem legatos.*

XV. Interim flumini Arsaniae (is castra praefluebat) pontem inposuit, specie sibi illud iter expedientis: sed Parthi, quasi documentum victoriae, iusserant. namque iis usui fuit: nostri per diversum iere. Addidit rumor, *sub iugum missas legiones*, et alia ex rebus infaustis, quorum simulacrum ab Armeniis usurpatum est. Namque et munimenta ingressi sunt, antequam agmen Romanum excederet, et circumstetere vias, captiva olim mancipia, aut iumenta adgnoscentes abstrahentesque. Raptae etiam vestes, retenta arma, pavido milite et concedente, ne qua praelii caussa exsisteret. Vologeses, armis et corporibus caesorum aggregatis, quo cladem nostram testaretur, visu fugientium legionum abstinuit. Fama moderationis quaerebatur, postquam superbiam expleverat. Flumen Arsaniam elephanto insidens, et proximus quisque Regem vi equorum perrupere, quia rumor incesserat, *pontem cessurum oneri dolo fabricantium*. sed qui ingredi ausi sunt, validum et fidum intellexere.

XVI. Ceterum obsessis adeo suppeditavisse rem frumentariam constitit, ut horreis ignem iniicerent: contraque prodiderit Corbulo, *Parthos inopes copiarum, et pabulo adrito, relicturos oppugnationem, neque se plus tridui itinere abfuisse*. Adiecit, iureiurando Paeti cautum apud signa, *adstantibus iis, quod testificando Rex misisset, neminem Romanum Armeniam ingressurum, donec referrentur litterae Nero-*

*nis, an paci adnueret.* Quae ut augendae infamiae composita, sic reliqua non in obscurō habentur: una die quadraginta millium spatium emensum esse Paetum, desertis passim sauciis; neque minus deformem illam fugientium trepidationem, quam si terga in acie vertissent. Corbulo, cum suis copiis apud ripam Euphratis obvius, non eam speciem insignium et armorum praetulit, ut diversitatē exprobraret. maesti manipuli, ac vicem commilitonum miserantes, ne lacrimis quidem temperare. vix p̄ae fletu usurpata consalutatio. Decesserat certamen virtutis et ambitio gloriae, felicium hominum affectus. sola misericordia valebat, et apud minores magis.

XVII. Dūcum inter se brevis sermo secutus est. Hoc conquerente *inritum laborem; potuisse bellum fuga Parthorum finiri;* ille *integra utrique cuncta respondit: converterent aquilas et iuncti invaderent Armeniam, abscessu Vologesis infirmatam.* Non ea Imperatoris habere mandata, Corbulo: periculo legionum commotum, e provincia egressum. quando in incerto habeantur Parthorum conatus, Syriam repetitum. Sic quoque optimam Fortunam orandam, ut pedes, confectus spatiis itinerum, alacrem et facilitate camporum praevenientem equitem adsequeretur. Exin Paetus per Cappadociam hibernavit. At Vologesis ad Corbulonem missiuntii, detraheret castella trans Euphraten, amnemque, ut olim, medium ficeret: ille, *Armeniam quoque diversis praesidiis vacuam fieri, ex postulabat.* Et postremo concessit Rex: dirutaque, quae ultra Euphraten communierat Corbulo, et Armenii sine arbitro relicti sunt.

XVIII. At Romae tropaea de Parthis arcusque medio Capitolini montis sistebantur, decreta ab Senatu, integro adhuc bello, neque tum omissa, dum adspectui consulitur, spreta conscientia. Quin et, dissimulandis rerum externarum curis, Nero fru-

LIR. XV. C  
ia, quod bene  
en licetia C  
lio latus leg  
e sit; emenda  
terna nota  
constantiaque  
la sociorum  
qualis quisque  
est.

XXI. Ol  
nd princi et  
et, quid de cu  
pidabantque  
nunc colim  
nulum alie  
nitur: dec  
tiam suam  
cibus expr  
quam erudi  
renur, que  
tes odio si  
gratiem  
rum melio  
candidato  
natur, aeg  
tur, num u  
ita, retita g

XXII. N  
tanee Sena  
bu Consul  
Principe,  
forret, ag  
terousib  
liden Co  
puit, e

mentum plebis, vetustate corruptum, in Tiberim ie-  
cit, quo securitatem annonae ostentaret. cuius pre-  
tio nihil additum est, quamvis ducentas ferme na-  
ves, portu in ipso, violentia tempestatis, et centum  
alias, Tiberi subvectas, fortuitus, ignis absumpsis-  
set. Tris dein Consulares, L. Pisonem, Ducennium  
Geminum, Pompeium Paullinum vectigalibus publi-  
cis praeposuit, cum insectatione priorum Principum,  
qui gravitate sumptuum iustos redditus anteissent: se  
annum sexcentes sextertium Reipubl. largiri.

XIX. Percrebuerat ea tempestate pravissimus  
mos, cum propinquis comitiis, aut sorte provinciarum,  
plerique orbi fictis adoptionibus adsciscerent  
filios, Praeturasque et provincias inter patres sortiti,  
statim emitterent manu, quos adoptaverant. Qui  
magna cum invidia Senatum adeunt, *ius naturae, la-  
bores educandi, adversus fraudem et artes et brevita-  
tem adoptionis* enumerant: *satis pretii esse orbis,*  
*quod multa securitate, nullis oneribus, gratiam, hono-  
res, cuncta prompta et obvia haberent.* Sibi promissa  
legum diu exspectata in ludibrium verti, quando quis  
sine sollicitudine parens, sine luctu orbus, longa pa-  
trum vota repente adaequaret. Factum ex eo Sena-  
tus consultum, ne simulata adoptio in ulla parte mu-  
neris publici iuvaret, ac ne usurpandis quidem heredi-  
tibus prodasset.

XX. Exin Claudius Timarchus, Cretensis, reus  
agitur, ceteris criminibus, ut solent praevalidi pro-  
vincialium, et opibus nimiis ad iniurias minorum  
elati: una vox eius usque ad contumeliam Senatus  
penetraverat, quod dictitasset, *in sua potestate si-  
tum, an Proconsulibus, qui Cretam obtinuissent, grates  
agerentur.* Quam occasionem Paetus Thrasea  
ad bonum publicum vertens, postquam de reo cen-  
suerat, *provincia Creta depellendum, haec addidit:  
usu probatum est, P. C. leges egregias, exempla hone-*

sta, apud bonos ex delictis aliorum digni. Sic oratorum licentia Cinciam rogationem; candidatorum ambitus Iulias leges; Magistratum avaritia Calpurnia scita pepererunt. Nam culpa, quam poena, tempore prior; emendari, quam peccare, posterius est. Ergo adversus novam provincialium superbiam dignum fide constantiae Romana capianus consilium, quo tuteiae sociorum nihil derogetur, nobis opinio decedat, qualis quisque habeatur, alibi quam in civium iudicio esse.

**XXI.** Olim quidem non modo Praetor, aut Consul, sed privati etiam mittebantur, qui provincias viserent, et, quid de cuiusque obsequio videretur, referrent: trepidabant gentes de existimatione singulorum. At nunc colimus externos et adulamur: et quomodo ad nutum alicuius grates, ita promptius accusatio decernitur: decernaturque et maneat provincialibus potentiam suam tali modo ostentandi: sed laus falsa et precebus expressa perinde cohibeantur, quam malitia, quam crudelitas. Plura saepe peccantur, dum demeremur, quam dum offendimus. Quaedam immo virtutes odio sunt, severitas obstinata, invictus adversum gratiam animus. Inde initia Magistratum nostrorum meliora ferme, et finis inclinat, dum, in modum candidatorum, suffragia conquirimus: quae si arcentur, aequabilis atque constantius provinciae regentur. nam ut metu repetundarum infracta avaritia est, ita, vetita gratiarum actione, ambitio cohibebitur.

**XXII.** Magno adsensu celebrata sententia; non tamen Senatus consultum perfici potuit, abnuentibus Consulibus ea de re relatum. Mox, auctore Principe, sanxere, ne quis ad concilium sociorum referret, agendas apud Senatum Propraetoribus Proveconsulibus grates, neu quis ea legatione fungeretur. Iisdem Consulibus gymnasium ictu fulminis conflagavit, effigiesque in eo Neronis ad informe aes li-

quefacta. Et motu terrae, celebre Campaniae oppidum, Pompeii, magna ex parte proruit. Defunctaque virgo Vestalis Laelia, in cuius locum Cornelia ex familia Cossorum capta est.

**XXIII.** Memmio Regulo, et Verginio Rufo coss. natam sibi ex Poppaea filiam Nero ultra mortale gaudium accepit, adpellavitque *Augustam*, dato et Poppaeae eodem cognomento. Locus puerperio colonia Antium fuit, ubi ipse generatus erat. Iam Senatus uterum *Poppaeae* commendaverat Diis, votaque publice suscepérat. quae multiplicata exsolutaque. Et additae *supplicationes templumque Fecunditati*, et certanæ ad exemplar *Actiacae religiosi* decretum: *utque Fortunarum effigies aureae in solo Capitolini Iovis locarentur: ludicrum circense, ut Iuliae genti apud Bovillas, ita Claudiæ Domitiæque apud Antium ederetur.* quae fluxa fuere, quartum intra mensem defuncta infante. Rursusque exortae adulatio[n]es, censentium honorem *Divae et pulvinar aedemque et Sacerdotem*. Atque ipse ut iætitiae, ita maerioris inmodicus egit. Adnotatum est, omni Senatu Antium sub recentem partum effuso, Thraseam prohibitum inmoto animo praenuntiam imminentis caedis contumeliam excepsisse. Secutam dehinc vocem Caesaris ferunt, qua *reconciliatum se Thraseae*, apud Senecam iactaverit, ac Senecam Caesari gratulatum. Vnde gloria egregiis viris et pericula gliscebant.

**XXIV.** Inter quae, veris principio, legati Parthorum mandata Regis Vologesis, litterasque in eandem formam, adulere: *se priora et totiens iactata, super obtinenda Armenia, nunc omittere, quoniam Dii, quamvis potentium populorum arbitri, possessionem Parthis, non sine ignominia Romana, tradidissent.* Nuper clausum Tigranen: post Paetum legionesque, cum opprimere posset, incolumes dimisisse.

*Satis adprobata vim: datum et lenitatis experimen-tum. Nec recusaturum Tiridaten, accipiendo dia-de-mati in urbem venire, nisi Sacerdotii religione adtine-retur. Iturum ad signa et effigies Principis, ubi, legionibus coram, Regnum auspicaretur.*

XXV. Talibus Vologesis litteris, quia Paetus diversa, tamquam rebus integris, scribebat, interro-gatus Centurio, qui cum legatis advenerat, *quo in statu Armenia esset? omnes inde Romanos excessisse,* respondit. Tum intellecto barbarorum inrisu, qui peterent, quod eripuerant, consuluit inter primores civitatis Nero, *bellum anceps, an pax inhonesta pla-ceret?* nec dubitatum de bello. Et Corbulo, tot per annos militum atque hostium gnarus, gerenda rei praeficitur, ne cuius alterius inscitia rursum pecca-retur, quia Paeti piguerat. Igitur inriti remittuntur, cum donis tamen, unde spes fieret, non frustra eadem oraturum Tiridaten, si preces ipse adtulisset. Syriaeque exsecutio Cincio, copiae militares Corbu-loni permissae; et quintadecima legio, ducente Ma-rio Celso, e Pannonia adiecta est. Scribitur Tetrarchis ac Regibus, Praefectisque et Procuratori-bus, et qui Praetorium finitimas provincias regebant, *iussis Corbulonis obsequi:* in tantum ferme modum aucta potestate, quem Populus Romanus Cn. Pompeio, bellum Piraticum gesturo, dederat. Regres-sum Paetum, cum graviora metueret, facetiis inse-ctari satis habuit Caesar, his ferme verbis: *Ignoscere se statim, ne tam promptus in pavorem longiore sollicitudine aegresceret.*

XXVI. At Corbulo quarta et duodecima legionibus, quae, fortissimo quoque amisso et ceteris ex-territis, parum habiles praelio videbantur, in Sy-riam translatis, sextam inde ac tertiam legiones, integrum militem et crebris ac prosperis laboribus exercitum, in Armeniam ducit. Addiditque legio-

nem quintam, quae, per Pontum agens, expers clades fuerat, simul quindecim annos, recens adductos: et vexilla delectorum ex Illyrico et Aegypto, quodque alarum cohortiumque: et auxilia Regum in unum conducta apud Melitenen, qua transmittere Euphraten parabat. Tum lustratum rite exercitum ad concionem vocat, orditurque magnifica *a auspicis Imperatoriis, rebusque a se gestis, adversa in inscitiam Paeti declinans: multa auctoritate, quae viro militari pro facundia erat.*

**XXVII.** Mox iter, L. Lucullo quondam penetratum, apertis, quae vetustas obsepserat, pergit. Et venientes Tiridatis Vologesisque de pace legatos haud adsperrnatus, adiungit iis Centuriones, cum mandatis non inmitibus: *non enim adhuc eo ventum, ut certamine extremo opus esset. Multa Romanis secunda, quaedam Parthis evenisse, documento adversus superbiam: proinde et Tiridati conducere, intactum vastationibus Regnum dono accipere: et Vologesen melius societate Romana, quam damnis mutuis, genti Parthorum consulturum. Scire, quantum intus discordiarum, quamque indomitas et praeferoce nationes regeret. Contra Imperatori suo innotam ubique pacem, et unum id bellum esse. Simul consilio terrorem adiicere, et Megistanas Armenios, qui primi a nobis defecerant, pellit sedibus, castella eorum excindit, plana, edita, validos invalidosque pari metu complet.*

**XXVIII.** Non infensum, nedum hostili odio Corbulonis nomen etiam Barbaris habebatur, eoque consilium eius fidum credebant. ergo Vologeses neque atrox in summam, et quibusdam praefecturis inducias petit. Tiridates locum diemque conloquio poscit. Tempus propinquum, locus, in quo nuper obsessae cum Paeto legiones erant. cum a Barbaris delectus esset, ob memoriam laetioris sibi rei,

non est a Corbulone vitatus, ut dissimilitudo fortunae gloriam augeret. Neque infamia Paeti augebatur: quod eo maxime patuit, quia filio eius, Tribuno, ducere manipulos atque operire reliquias malae pugnae imperavit. Die pacta Tiberius Alexander, inlustris Eques Romanus, minister bello datus, et Vivianus Annius, gener Corbulonis, nondum Senatoria aetate, sed pro Legato quintae legioni inpositus, in castra Tiridatis venere, honori eius, ac, ne metueret insidias, tali pignore. Viceni dehinc equites adsumpti. Et, viso Corbulone, Rex prior equo desiluit: nec cunctatus Corbulo. Sed pedes uterque dextras miscuerunt.

**XXIX.** Exin Romanus laudat iuvenem, *omissis praecipitibus, tuta et salutaria capessentem.* Ille de nobilitate generis multum praefatus, cetera temperanter adiungit: *Iturum quippe Romam, laturumque novum Caesari decus, non adversis Parthorum rebus supplicem Arsaciden.* Tum placuit, Tiridaten ponere apud effigiem Caesaris insigne Regium, nec nisi manu Neronis resumere: et conloquium osculo finitum. Dein paucis diebus interiectis, magna utrimque specie, inde eques compositus per turmas, et insignibus patriis, hinc agmina legionum sttere, fulgentibus aquilis signisque et simulacris Deum, in modum templi. Medio tribunal sedem curulem, et sedes effigiem Neronis, sustinebat. Ad quam progressus Tiridates, caesis ex more victimis, sublatum capite diadema imagini subiecit: magnis apud cunctos animorum motibus; quos augebat insita adhuc oculis exercituum Romanorum caedes aut obsidio. *at nunc versos casus: iturum Tiridaten ostentui gentibus, quanto minus quam captivum?*

**XXX.** Addidit gloriae Corbulo comitatem epulasque: et rogitante Rege caussas, quotiens novum aliquid adverterat: ut, initia vigiliarum per Centu-

rionem nuntiari, convivium buccina dimitti, et struetam ante Augurale aram subdita face accendi: cuncta in maius adtollens, admiratione prisci moris affectit. postero die spatium oravit, quo, tantum itineris aditus, fratres ante matremque viseret: obsidem interea filiam tradit litterasque supplices ad Neronem.

**XXXI.** Et digressus, Pacorum apud Medos, Vologesen Ecbatanis reperit, non incuriosum fratribus: quippe et propriis nuntiis a Corbulone petierat, ne quam imaginem servitii Tiridates perferret: neu ferrum traderet, aut complexu provincias obtinentium arceretur foribus eorum adsisteret: tantusque ei Romae, quantus Consulibus, honor esset. Scilicet externe superbiae sueto non inerat notitia nostri: apud quos vis Imperii valet, inania transmittuntur.

**XXXII.** Eodem anno Caesar nationes Alpium maritimarum in ius Latii transtulit. Equitum Romanorum locos sedilibus plebis anteposuit apud circum. namque ad eam diem indiscreti inibant, quia lex Roscia nihil, nisi de quatuordecim ordinibus, sanxit. Spectacula gladiatorum idem annus habuit, pari magnificentia ac priora. Sed feminarum inlustrium Senatorumque plures per arenam foedati sunt.

**XXXIII.** C. Lecanio, M. Licinio coss. acriore in dies cupidine adigebatur Nero promiscuas scenas frequentandi. nam adhuc per domum, aut hortos, cecinerat, iuvenalibus ludis, quos, ut parum celebres et tantae voci angustos, spernebat. Non tamen Romae incipere ausus, Neapolim, quasi Graecam urbem, delegit: inde initium fore, ut transgressus in Achaiam, insignesque et antiquitus sacras coronas adeptus, maiore fama studia civium elicaret. Ergo contractum oppidanorum vulgus, et quos e proximis coloniis et municipiis eius rei fama civerat; quique Caesarem per honorem, aut varios usus sectantur,

etiam militum manipuli, theatrum Neapolitanorum complevit.

XXXIV. Illic, plerique ut arbitrabantur, triste, ut ipse, providum potius et secundis Numinibus, evenit. nam egresso, qui adfuerat, populo, vacuum et sine ullius noxa, theatrum conlapsum est. Ergo, per compositos cantus, grates Diis atque ipsam recentis casus fortunam celebrans, petiturus que maris Hadriæ traiectus, apud Beneventum interim consedit: ubi gladiatorium munus a Vatinio celebre edebatur. Vatinius inter foedissima eius aulae ostenta fuit, sutrinae tabernae alumnus, corpore detorto, facetiis scurrilibus: primo in contumelias adsumptus; deinde optimi cuiusque criminatione eo usque valuit, ut gratia, pecunia, vi nōcendi etiam malos praemineret.

XXXV. Eius munus frequentanti Neroni, ne inter voluptates quidem a sceleribus cessabatur. Iisdem quippe illis diebus Torquatus Silanus mori adigitur, quia, super Iuniae familiae claritudinem, D. Augustum atavum ferebat. Iussi accusatores obiciere, prodigum largitionibus, neque aliam spem quam in novis rebus esse. quin eum homines habere, quos ab epistolis et libellis et rationibus adpellent, nomina summae curae et meditamenta. Tum intimus quisque libertorum vineti abreptique. Et, cum damnatio instaret, brachiorum venas Torquatus interscidit, secutaque Neronis oratio ex more: quamvis somtem et defensioni merito diffisum, victurum tamen fuisse, si clementiam iudicis exspectasset.

XXXVI. Nec multo post, omissa in praesens Achaia, (caussae in incerto fuere) urbem revisit; provincias Orientis, maxime Aegyptum, secretis imaginationibus agitans. Dehinc edicto testificatus, non longam sui absentiam, et cuncta in Republica perinde immota ac prospera fore; super ea profe-

LIB. XV.  
ceptio  
contaminato  
modus sole  
imperat  
enialis toru  
etata, qua  
XXVIII.  
ips incertu  
omibus,  
nderunt,  
te circi o  
as contigu  
monium in  
quis et statu  
nici concipi  
ptae, vel te  
interieceba  
primum, di  
nora popul  
et obnoxia  
is, aique e  
li hoc lame  
rudi pue  
uslebant  
z, pars m  
ut, et sae  
s ut front  
eraserant  
iae longinqu  
satur. Post  
migui, con  
tenuis omni  
tate suor  
is patente e  
tudore audie  
pere probab

ctione adiit capitolium. Illiè veneratus Deos, cum Vestae quoque templum inisset, repente cunctos per artus tremens, seu numine exterrente, seu facinorum recordatione nunquam timore vacuus, deseruit incepsum, *cunctas sibi curas amore patriae leviores dictitans.* *Vidisse civium maestos vultus, audire secretas querimonias, quod tantum aditurus esset iter, cuius ne modicos quidem egressus tolerarent, sueti adversum fortuita adspectu Principis refoveri.* Ergo, *ut in privatis necessitudinibus proxima pignora praevalerent, ita Populum Romanum vim plurimam habere, parendumque retinenti.* Haec atque talia plebi volentia fuere, voluptatum cupidine, et, quae praeципua cura est, rei frumentariae angustias, si abesset, metuenti. Senatus et primores in incerto erant, procul an coram atrocior haberetur. dehinc, quae natura magnis timoribus, deterius credebant, quod evenerat.

XXXVII. Ipse, quo fidem adquireret, nihil usquam periade laetum sibi, publicis locis struere convivia, totaque urbe quasi domo uti. Et celeberrimae luxu famaque epulæ fuere, quas a Tigellino paratas, ut exemplum, referam, ne saepius eadem prodigentia narranda sit. Igitur in stagno Agrippae fabricatus est ratem, cui superpositum convivium aliarum tractu navium moveretur. naves auro et ebore distinctæ: remigesque exoleti per aetas et scientiam libidinum componebantur. volucres et feras diversis e terris et animalia maris Oceano abusque petiverat. crepidinibus stagni lupanaria adstabant, inlustribus feminis completa. contra scorta visebantur, nudis corporibus. iam gestus motusque obsceni: et, postquam tenebrae incedebant, quantum iuxta nemoris, et circumiecta tecta, consonare cantu et luminibus clarescere. Ipse, per licita atque inlicita foedatus, nihil flagitiæ reliquerat, quo

corruptior ageret, nisi paucos post dies uni ex illo contaminatorum grege, cui nomen *Pythagorae* fuit, in modum solennium coniugiorum denupsisset. Inditum Imperatori flammeum: visi Auspices, dos et genialis torus et faces nuptiales: cuncta denique spectata, quae etiam in femina nox operit.

XXXVIII. Sequitur clades, forte, an dolo Principis incertum: nam utrumque auctores prodidere: sed omnibus, quae huic urbi per violentiam ignium acciderunt, gravior atque atrocior. Initium in ea parte circi ortum, quae Palatino Caelioque montibus contigua est: ubi per tabernas, quibus id mercimonium inerat, quo flamma alitur, simul coepitus ignis et statim validus, ac vento citus, longitudinem circi conripuit. neque enim domus munitamentis septae, vel templa muris cincta, aut quid aliud morae interiacebat. Inpetu pervagatum incendium planum primum, deinde in edita adsurgens, et rursum inferiora populando, anteit remedia velocitate mali, et obnoxia urbe artis itineribus hucque et illuc flexis, atque enormibus vicis, qualis vetus Roma fuit. Ad hoc lamenta paventium feminarum, fessa senum ac rudis pueritiae aetas, quique sibi, quique aliis consulebant, dum trahunt invalidos, aut opperuntur, pars morans, pars festinans, cuncta impediabant: et saepe, dum in tergum respectant, lateribus aut fronte circumveniebantur: vel, si in proxima evaserant, illis quoque igni conceptis, etiam, quae longinqua crediderant, in eodem casu reperiebantur. Postremo, quid vitarent, quid peterent ambigui, complere vias, sterni per agros: quidam amissis omnibus fortunis, diurni quoque victus, alii caritate suorum, quos eripere nequiverant, quamvis patente effugio, interiere. Nec quisquam defendere audebat, crebris multorum minis, restinguere prohibentium, et quia alii palam faces iacie-

bant, atque esse sibi auctorem vociferabantur: sive ut raptus licentius exercent, seu iussu.

**XXXIX.** Eo in tempore Nero, Antii agens, non ante in urbem regressus est, quam domui eius, qua palatium et Maecenatis hortos continuaverat, ignis propinquaret. Neque tamen sisti potuit, quin et palatium et domus et cuncta circum haurirentur. Sed solatium populo exturbato et profugo campum Martis ac monumenta Agrippae; hortos quin etiam suos patefecit: et subitaria aedificia extruxit, quae multitudinem inopem acciperent: subiectaque utensilia ab Ostia et propinquis municipiis; pretiumque frumenti minutum usque ad ternos nummos. Quae, quamquam popularia, in inritum cadebant, quia pervaserat rumor, *ipso tempore flagrantis urbis, inisse eum domesticam scenam et cecinisse Troianum excidium, praesentia mala vetustis cladibus adsimulantem.*

**XL.** Sexto demum die, apud imas Esquilias, finis incendio factus, prorutis per inmensum aedificiis, ut continuae violentiae campus et velut vacuum coelum occurreret. Nec dum posito metu, redibat levius rursum grassatus ignis, patulis magis urbis locis; eoque strages hominum minor. delubra Deum et porticus amoenitati dicatae latius procidere. Plusque infamiae id incendium habuit, quia praediis Tigellini Aemilianis proruperat. Videbaturque Nero condendae urbis novae et cognomento suo adpellandae gloriam quaerere. Quippe in regiones quatuordecim Roma dividitur: quarum quatuor integrae manebant, tres solo tenus dieictae: septem reliquis pauca tectorum vestigia supererant, lacera et semiusta.

**XLI.** Domuum et insularum et templorum, quae amissa sunt, numerum inire haud promptum fuerit: sed vetustissima religione, quod Servius Tullius Lunae, et Magna ara fanumque, quae praesenti

Herculi Arcas Evander sacraverat, aedesque Statoris Iovis, vota Romulo, Numaeque regia et delubrum Vestae cum Penatibus Populi Romani, exusta. Iam opes, tot victoriis quaesitae, et Graecarum artium decora, exin monimenta ingeniorum antiqua et inconrupta, quamvis, in tanta resurgentis urbis pulchritudine, multa seniores meminerint, quae reparari nequibant. Fuere, qui adnotarent, XIV. Kalend. Sextiles principium incendiū huius ortum, quo et Senones captam urbem inflammaverant. alii eo usque cura progressi sunt, ut totidem annos mensesque et dies inter utraque incendia numerent.

**XLII.** Ceterum Nero usus est patriae ruinis, exstruxitque domum, in qua haud perinde gemmae et aurum miraculo essent, solita pridem et luxu vulgarata, quam arva et stagna et in modum solitudinum hinc silvae, inde aperta spatia et prospectus: magistris et machinatoribus Severo et Celere, quibus ingenium et audacia erat, etiam quae natura denegevisset, per artem tentare et viribus Principis indulere. Namque, ab laeu Averno navigabilem fossam usque ad ostia Tiberina depressuros, promiserant, squalenti littore, aut per montes adversos. neque enim aliud humidum gignendis aquis occurrit, quam Pomptinae paludes: cetera abrupta, aut arentia: ac, si perrumpi possent, intolerandus labor, nec satis caussae. Nero tamen, ut erat incredibilium cupitor, effodere proxima Averno iuga connixus est: manentque vestigia irritae spei.

**XLIII.** Ceterum, urbis, quae domui supererant, non, ut post Gallica incendia, nulla distinctione, nec passim erecta, sed dimensis vicorum ordinibus et latis viarum spatiis, cohirtschafte aedificiorum altitudine ac patefactis areis additisque porticibus, quas frontem insularum protegerent. *Eas porticus, Nero, sua pecunia exstructurum, purgatasque areas*

*dominis traditurum*, pollicitus est. Addidit praemia, pro cuiusque ordine et rei familiaris copiis: finivitque tempus, intra quod effectis domibus aut insulis adipiscerentur. *Ruderi accipiendo Ostienses paludes destinabat, utique naves, quae frumentum Tiberi subvectassent, onustae rudere decurrerent: aedificaque ipsa, certa sui parte, sine trabibus, saxo Gabino Albanove solidarentur:* quod is lapis ignibus imperius est. *Iam aqua, privatorum licentia intercepta, quo largior et pluribus locis in publicum flueret, custodes et subsidia reprimendis ignibus in propatulo quisque haberet: nec communione parietum, sed propriis quaeque muris ambirentur.* Ea, ex utilitate accepta, decorum quoque novae urbi adulere. Erant tamen, qui crederent, veterem illam formam salubritati magis conduxisse, quoniam angustiae itinerum et altitudo tectorum non perinde solis vapore perrumperentur: at nunc patulam latitudinem, et nulla umbra defensam, graviore aestu ardescere.

**XLIV.** Et haec quidem humanis consiliis providebantur. Mox petita Diis piacula, aditique Sibylae libri, ex quibus supplicatum Vulcano et Cereri Proserpinaeque, ac propitiata Iuno per matronas, primum in capitolio, deinde apud proximum mare: unde hausta aqua templum et simulacrum Deae prospersum est: et sellisternia ac pervigilia celebravere feminae, quibus mariti erant. Sed non ope humana, non largitionibus Principis, aut Deum placamentis, decedebat infamia, quin iussum incendum crederetur. Ergo abolendo rumori Nero subdidit reos, et quae sitissimis poenis adfecit, quos, per flagitia invisos, vulgus *Christianos* adpellabat. Auctor nominis eius Christus, Tiberio imperitante, per Procuratorem Pontium Pilatum suppicio affectus erat. Repressaque in praesens exitiabilis superstitionis rursus erumpebat, non modo per Iudeam, ori-

ginem eius mali, sed per urbem etiam, quo cuncta undique atrocia aut pudenda confluunt celebranturque. Igitur primo conrepti, qui fatebantur, deinde, indicio eorum, multitudo ingens, haud perinde in crimine incendii, quam odio humani generis, convicti sunt. Et pereuntibus addita ludibria, ut ferarum tergis contecti, laniatu canum interirent, aut crucibus adfixi, aut flammandi, atque, ubi defecisset dies, in usum nocturni luminis urerentur. Hortos suos ei spectaculo Nero obtulerat, et circense ludicrum edebat, habitu aurigae permixtus plebi, vel curriculo insistens. Vnde, quamquam adversus sontes et novissima exempla meritos, miseratio oriebatur, tamquam non utilitate publica, sed in saevitiam unius, absumerentur.

XLV. Interea conferendis pecuniis pervastata Italia, provinciae eversae, sociique populi et quae civitatum liberae vocantur. Inque eam praedam etiam Dii cessere, spoliatis in urbe templis, egestoque auro, quod triumphis, quod votis, omnis Populi Romani aetas prospere, aut in metu, sacraverat. Enimvero, per Asiam atque Achaiam non dona tantum, sed simulacra Numinum abripiebantur, missis in eas provincias Acerato ac Secundo Carinate. Ille libertus, cuicumque flagitio promptus; hic, Graeca doctrina ore tenus exercitus, animum bonis artibus non induerat. Ferebatur Seneca, quo invidiām sacrilegii a semet averteret, longinqui ruris secessum oravisse, et, postquam non concedebatur, ficta valetudine, quasi aeger nervis, cubiculum non egressus. Tradidere quidam, venenum ei per libertum ipsius, cui nomen Cleonicus, paratum iussu Ne-  
ronis: vitatumque a Seneca, proditione liberti, seu propria formidine, dum simplici victu et agrestibus pomis, ac, si sitis admoneret, profluente aqua vitam tolerat.

**XLVI.** Per idem tempus gladiatores apud oppidum Praeneste, tentata eruptione, praesidio militis, qui custos aderat, coerciti sunt: iam *Spartacum et vetera mala* rumoribus ferente populo, ut est novarum rerum cupiens pavidusque. Nec multo post clades rei navalis accipitur: non bello: quippe haud alias tam inmota pax: sed certum ad diem in *Campaniam redire classem* Nero iusserat, non exceptis maris casibus. Ergo gubernatores, quamvis saeviente pelago, a Formiis movere: et gravi Afri-  
co, dum promontorium Miseni superare contendunt, Cumaniis littoribus impacti, trirementum plerasque et minora navigia passim amiserunt.

**XLVII.** Fine anni vulgantur prodigia, inminen-  
tium malorum nuntia. Vis fulgorum non alias cre-  
brior, et sidus cometes, sanguine inlustri semper Neroni expiatum. Bicipites hominum aliorumve animalium partus abiecti in publicum, aut in sacri-  
ficiis, quibus gravidas hostias inmolare mos est,  
reperti. Et in agro Placentino, viam propter, na-  
tus vitulus, cui caput in crure esset. Secutaque Haruspicum interpretatio: *parari rerum humanarum aliud caput: sed non fore validum, neque occultum; quia in utero repressum, aut iter iuxta editum sit.*

**XLVIII.** Ineunt deinde Consulatum Silius Ner-  
va et Atticus Vestinus, copta simul et aucta con-  
iuratione, in quam certatim nomina dederant, Se-  
natores, Eques, miles, feminae etiam, cum odio  
Neronis, tum favore in C. Pisonem. Is Calpurnio genere ortus, ac multas insignesque familias pater-  
na nobilitate complexus, claro apud vulgum rumore  
erat, per virtutem, aut species virtutibus similes.  
Namque facundiam tuendis civibus exercebat, lar-  
gitionem adversus amicos, et ignotis quoque comi-  
sernone et congressu. Aderant etiam fortuita,  
corpus procerum, decora facies. Sed procul gravi-

tas morum, aut voluptatum parsimonia: lenitati ac magnificentiae et aliquando luxui indulgebat. Idque pluribus probabatur; qui, in tanta vitiorum dulcedine, summum Imperium non restrictum nec perseverum volant.

**XLIX.** Initium coniurationi non a cupidine ipsius fuit: nec tamen facile memoraverim, quis primus auctor, cuius instinctu concitum sit, quod tam multi sumpserunt. Promptissimos Subrium Flavium, Tribunum Praetoriae cohortis, et Sulpicium Asprum Centurionem exstisisse, constantia exitus docuit. Et Lucanus Annaeus Plautiusque Lateranus, Consul designatus, vivida odia intulere. Lucanum propriae caussae accendebant, quod famam carminum eius premebat Nero, prohibueratque ostentare, vanus aemulatione. Lateranum, Consulem designatum, nulla iuriuria, sed amor Reipubl. sociavit. At Flavius Scevinus et Afranius Quintianus, uterque Senatorii ordinis, contra famam sui, principium tanti facinoris capessivere. Nam Scevino dissoluta luxu mens et proinde vita somno languida: Quintianus mollitia corporis infamis, et a Nerone probroso carmine diffamatus, contumelias ultimi ibat.

**L.** Ergo, dum scelerata Principis, et finem adesse Imperii, diligendumque, qui fessis rebus succurreret, inter se aut inter amicos iaciunt, adgregavere Tullium Senecionem, Cervarium Proculum, Vulcatium Araricum, Iulum Tugurinum, Munatium Gratum, Antonium Natalem, Martium Festum, Equites Romanos: ex quibus Senecio, e praecipua familiaritate Neronis, speciem amicitiae etiam tum retinens: eo pluribus periculis conflictabatur. Natalis particeps ad omne secretum Pisoni erat. ceteris spes ex novis rebus petebatur. Adscitae sunt, super Subrium et Sulpicium, de quibus retuli, militares manus, Granius Silvanus et Statius Proximus, Tribuni

cohortium praetoriarum, Maximus Scaurus et Veneratus Paullus Centuriones. Sed summum robur in Fenio Rufo Praefecto videbatur, quem, vita famaque laudatum, per saevitiam impudicitiamque Tigellinus in animo Principis anteibat, fatigabatque criminationibus, ac saepe in metum adduxerat, quasi adulterum Agrippinae et desiderio eius ultiōni intentum. Igitur, ubi coniuratis, Praefectum quoque Praetorii in partes descendisse, crebro ipsius sermone facta fides; promptius iam de tempore ac loco caedis agitabant. Et cepisse inpetum Subrius Flavius ferebatur, in scena canentem Neronem adgrediendi; aut cum ardente domo per noctem huc illuc cursaret incustoditus. Hic occasio solitudinis; ibi ipsa frequentia, tanti decoris testis, pulcherrimum animum extimulaverant: nisi inpunitatis cupidio retinuisse, magnis semper conatibus adversa.

LI. Interim cunctantibus prolatantibusque spem ac metum, Epicharis quaedam, incertum quonam modo sciscitata (neque illi ante ulla rerum honestarum cura fuerat) accendere et arguere coniuratos: ac postremo lentitudinis eorum pertaesa, et in Campania agens, primores classiariorum Misenum labefacere, et conscientia inligare connixa est tali initio. Erat Chiliarhus in ea classe Volusius Proculus, occidenda matris Neronis inter ministros, non ex magnitudine sceleris proiectus, ut rebatur. is mulieri olim cognitus, seu recens orta amicitia, dum merita erga Neronem sua, et quam in inritum cecidissent, aperit, adiicitque questus et destinationem vindictae, si facultas oriretur, spem dedit, posse impelli et plures conciliare. nec leve auxilium in classe, crebras occasiones; quia Nero multo apud Puteolos et Misenum maris usu laetabatur. Ergo Epicharis plura: et omnia sclera Principis orditur: neque se tactare, quod inane esset; provisum, quonam modo poe

*nas eversae Reipublicae daret; accingeretur modo navae operam et militum acerrimos ducere in partes, ac digna pretia exspectaret.* Nomina tamen coniuratorum reticuit. Vnde Proculi indicium irritum fuit, quamvis ea, quae audierat, ad Neronem detulisset. Accita quippe Epicharis, et cum indice composita, nullis testibus innixum facile confutavit. Sed ipsa in custodia retenta est, suspectante Nero-ne, haud falsa esse, etiam quae vera non probabantur.

LII. Coniuratis tamen, metu prodictionis permotis, placitum maturare caudem apud Baias in villa Pisonis: cuius amoenitate captus Caesar creberet eo ventitabat, balneasque et epulas inibat, omissis excubiis et fortunae suae mole. Sed abiuit Piso, *invidiam praetendens, si sacra mensae, Diique hospitales caede qualiscumque Principis cruentarentur.* melius apud urbem, *in illa invisa et spoliis civium exstructa domo, vel in publico patraturos, quod pro Republica suscepissent.* Haec in commune: ceterum timore occulto, ne L. Silanus, eximia nobilitate disciplinaque C. Cassii, apud quem educatus erat, ad omnem claritudinem sublatum, imperium invaderet, prompte daturis operam, qui a coniuratione integrissent, quique miserarentur Neronem, tamquam per scelus imperfectum. Plerique, *Vestini quoque Consulis acre ingenium vitavisse Pisonem crediderunt, ne ad libertatem moveretur, vel, delecto Imperatore alio, sui munera Rempublicam faceret.* Etenim expers coniurationis erat; quamvis super eo crimine Nero vetus adversus insontem odium expleverit.

LIII. Tandem statuere, circensium ludorum die, qui Cereri celebratur, exequi destinata: quia Caesar, rarus egressu, domoque aut hortis clausus, ad ludicra circi ventitabat, promptioresque aditus erant laetitia spectaculi. Ordinem insidiis compo-

suerant, ut *Lateranus*, quasi subsidium rei familiaris oraret, deprecabundus et genibus *Principis* accidens, prosterneret incatum premeretque, anini validus et corpore ingens. Tum iacentem et impeditum *Tribuni* et *Centuriones* et ceterorum, ut quisque audentiae habuisse, acurrerent trucidarentque: primas sibi partes expostulante *Scevino*, qui pugionem templo *Salutis* (in *Etruria*), sive, ut alii tradidere, *Fortunae Ferentino* in oppido, detraxerat, gestabatque velut magno operi sacrum. Interim *Piso* apud aedem *Cereris* opperiretur, unde cum *Praefectus Fenius* et ceteri accitum ferrent in castra, comitante *Antonia*, *Claudii Caesaris* filia, ad eliciendum vulgi favorem: quod *C. Plinius* memorat. Nobis quoquo modo traditum non occultare in animo fuit, quamvis absurdum videretur, aut inanem ad spem Antoniam nomen et periculum commodavisse, aut *Pisonem*, notum amore uxoris, alii matrimonio se obstrinxisse: nisi si cupidus dominandi cunctis affectibus flagrantior est.

**LIV.** Sed mirum, quam inter diversi generis, ordinis, aetatis, sexus, dites, pauperes taciturnitate omnia cohibita sint; donec proditio coepit e domo *Scevini*: qui pridie insidiarum multo sermone cum *Antonio Natale*, dein regressus domum, testamentum obsignavit; promptum vagina pugionem, de quo supra retuli, retustate obtusum increpans, *asperari saxo et in mucronem ardescere iussit*, eamque curam liberto *Milicho* mandavit. Simul adfluentius solito convivium initum: servorum carissimi libertate et alii pecunia donati. atque ipse maestus et magnae cogitationis manifestus erat, quamvis laetitiam vagis sermonibus simularet. Postremo *vulneribus ligamenta*, quibusque sistitur *sanguis*, parare eundem *Milichum* monet; sive gnarum coniurationis et illuc usque fidum, seu nescium et tunc primum adreptis suspicionibus, ut plerique tradidere de con-

sequentibus. Nam, cum secum servilis animus prae-  
mia perfidiae reputavit, simulque innensa pecunia  
et potentia obversabantur, cessit fas et salus patroni  
et acceptae libertatis memoria. Etenim uxoris quo-  
que consilium adsumpserat, muliebre ac deterius.  
quippe ultro metum intentabat, multosque adstitisse  
libertos ac servos, qui eadem viderint: nihil profutu-  
rum unius silentium: at praemia penes unum fore, qui  
indicio praevenisset.

LV. Igitur, copta luce, Milichus in hortos Ser-  
vilianos pergit: et, cum foribus arceretur, magna  
et atrocia adferre dictitans, deductusque ab ianitorib-  
us ad libertum Neronis, Epaphroditum, mox ab eo  
ad Neronem, urgens periculum, graves coniuratio-  
nes, et cetera, quae audierat coniectaveratque, do-  
cet. Telum quoque in necem eius paratum ostendit,  
accirque reum iussit. is raptus per milites et defen-  
sionem orsus, Ferrum, cuius argueretur, olim religio-  
ne patria cultum, et in cubiculo habitum ac fraude li-  
berti subreptum, respondit. Tabulas testamenti sae-  
pius a se, et incustodita dierum observatione, signatas.  
Pecunias et libertates servis et ante dono datas, sed  
ideo tunc largius, quia, tenui iam re familiari et in-  
stantibus creditoribus, testamento diffideret. Enim-  
vero liberales semper epulas struxisse et vitam amoe-  
nam et duris iudicibus parum probatam. Fomenta  
vulneribus nulla iussu suo, sed, quia cetera palam va-  
na obiecisset, adiungere crimen, ut sese pariter indi-  
cem et testem faceret. Adiicit dictis constantiam.  
incusat ultro intestabilem et consceleratum, tanta vo-  
cis ac vultus securitate, ut labaret indicium, nisi  
Milichum uxor admonuisset, Antonium Natalem  
multa cum Scervino ac secreto conlocutum, et esse  
utrosque C. Pisonis intimos.

LVI. Ergo accitur Natalis: et diversi interrogan-  
tur, quisnam is sermo, qua de re fuisset? cum exorta

suspicio, quia non congruentia responderant: inditaque vincla. Et tormentorum adspectum ac minas non tulere. Prior tamen Natalis, totius conspirationis magis gnarus, simul arguendi peritior, *de Pisoni* primum fatetur. deinde adiicit *Annaeum Senecam*, sive internuntius inter eum Pisonemque fuit, sive ut Neronis gratiam pararet, qui infensus Senecaes, omnes ad eum opprimendum artes conquirebat. Tum, cognito Natalis indicio, Scevinius quoque, pari inbeccillitate, an cuncta iam patefacta credens nec ullum silentii emolumentum, edidit ceteros. ex quibus Lucanus Quintianusque et Senecio diu abnuere. Post, promissa inpunitate corrupti, quo tarditatem excusarent, Lucanus *Atillam matrem suam*, Quintianus *Glitium Gallum*, Senecio *Annium Pollionem*, amicorum praecipuos, nominavere.

LVII. Atque interim Nero recordatus, Volusii Proculi indicio Epicharin adtineri, ratusque muliebre corpus inpar dolori, *tormentis dilacerari* iubet. At illam non verbera, non ignes, non ira eo acrius torquentium, ne a femina spernerentur, pervicere, quin obiecta denegaret. Sic primus quaestionis dies contemptus. Postero, cum ad eosdem cruciatus retraheretur gestamine sellae, (nam dissolutis membris insistere nequibat) vinclo fasciae, quam pectori detraxerat, in modum laquei ad arcum sellae restricto, indidit cervicem, et corporis pondere connixa, tenuem iam spiritum expressit: clariore exemplo libertina mulier, in tanta necessitate, alienos ac prope ignotos protegendo, cum ingenui et viri et Equites Romani Senatoresque, intacti tormentis, carissima suorum quisque pignorum proderent. Non enim omittebant Lucanus quoque et Senecio et Quintianus passim consciros edere, magis magisque pa- vido Nerone, quamquam multiplicatis excubiis semet sepsisset.

**LVIII.** Quin et urbem, per manipulos occupatis moenibus, insesso etiam mari et amne, velut in custodiam dedit. Volitabantque per fora, per domos, rura quoque et proxima municipiorum, pedites equitesque, permixti Germanis, quibus fidebat Princeps, quasi externis. Continua hinc et iuncta agmina trahi ac foribus hortorum adiacere. Atque, ubi descendam ad caussam introissent, *laetatum erga coniuratos, sed fortuitus sermo et subiti occursus, si convrium, si spectaculum simul inissent,* pro crimine accipi: cum, super Neronis ac Tigellini saevas percunctiones, Fenius quoque Rufus violenter urgeret, nondum ab indicibus nominatus, sed, quo fidem inscitiae pararet, atrox adversus socios. Idem Subrio Flavio adstanti adnuentique, an inter ipsam cognitionem destringeret gladium, caedemque patraret, renuit infregitque inpetum iam manum ad capulum referentis.

**LIX.** Fuere, qui prodita coniuratione, dum auditur Milichus, dum dubitat Scevinus, hortarentur Pisonem, *pergere in castra, aut rostra escendere, stadiaque militum et populi tentare. si conatibus eius consciū adgregarentur, secuturos etiam integrōs: magnamque motae rei famam, quae plurimum in novis consiliis valeret.* Nihil adversum hoc Neroni provisum. etiam fortes viros subitis terreri; nedum ille scenicus, Tigellino scilicet cum pellicibus suis comitante, arma contra cieret. Multa experiendo confiri, quae segnibus ardua videantur. Frustra silentium et fidem in tot conciorum animis et corporibus sperari. Cruciatu aut praemio cuncta pervia esse. Venturos, qui ipsum quoque vincirent, postremo indigna nece adficerent. Quanto laudabilius peritum, dum amplectitur Rempublicam, dum auxilia libertati invocat. Miles potius deesset et plebes desereret; dum ipse maioribus, dum posteris, si vita praeriperetur, mortem adprobaret.

Inmotus his et paullulum in publico versatus, post domi secretus, animum adversum supra firmabat, donec manus militum adveniret, quos Nero tirones aut stipendiis recentes delegerat. Nam vetus miles timebatur, tamquam favore inbutus. Obiit, abruptis brachiorum venis. Testamentum foedis adversus Neronem adulationibus amori uxoris dedit; quam degenerem, et sola corporis forma commendatam, amici matrimonio abstulerat. Nomen mulieris Arria Galla; priori marito, Domitius Silus: hic patientia, illa impudicitia, Pisonis infamiam propagavere.

LX. Proximam necem Plautii Laterani, Consulis designati, Nero adiungit, adeo propere, ut non complecti liberos, non illud breve mortis arbitrium permitteret. Raptus in locum servilibus poenis sepositum manu Statii, Tribuni, trucidatur, plenus constantis silentii, nec Tribuno obiciens eandem conscientiam. Sequitur caedes Annaei Senecae, laetissima Principi, non quia coniurationis manifestum compererat, sed ut ferro grassaretur, quando venenum non processerat. Solus quippe Natalis et hactenus prompsit: *missum se ad aegrotum Senecam, ut visceret conquerereturque, cur Pisonem aditu arceret? melius fore, si amicitiam familiari congressu exercuisserent.* Et respondisse Senecam: *sermones mutuos et crebra conloquia neutri conducere: ceterum salutem suam incolumitate Pisonis inniti.* Haec ferre Granius Silvanus, Tribunus Praetoriae cohortis, et, *an dicta Natalis suaque responsa nosceret, percunctari Senecam iubetur.* Is, forte, an prudens, ad eum diem ex Campania remeaverat, quartumque apud lapidem, suburbano rure, substiterat. Illo propinqua vespera Tribunus venit et villam globis militum cesspit. Tum ipsi, cum Pompeia Paullina uxore et amicis duobus epulanti, mandata Imperatoris edidit.

LXI. Seneca, *missum ad se Natalem conquestum-*

que nomine Pisonis, quod a visendo eo prohiberetur, seque rationem valetudinis et amorem quietis excusasse, respondit. Cur salutem privati hominis incolumentati suae anteferret, caussam non habuisse. nec sibi promptum in adulaciones ingenium. Idque nulli magis gnarum, quam Neroni, qui saepius libertatem Senecae, quam servitium expertus esset. Vbi haec a Tribuno relata sunt, Poppaea et Tigellino coram, quod erat saevienti Principi intimum consiliorum, interroget: *an Seneca voluntariam mortem pararet?* Tum Tribunus, nulla pavoris signa, nihil triste in verbis eius aut vultu deprehensum, confirmavit. Ergo regredi et indicere mortem iubetur. Tradit Fabius Rusticus, non eo, quo venerat, itinere redditum, sed flexisse ad Fenium, Praefectum, et expositis Caesaris iussis, *an obtemperaret, interrogavisse; monitumque ab eo, ut exsequeretur;* fatali omnium ignavia. nam et Silvanus inter coniuratos erat, augebatque scelerata, in quorum ultionem consenserat. Voci tamen et adspectui pepercit. Intromisitque ad Senecam unum ex Centurionibus, qui necessitatem ultimam denuntiaret.

LXII. Ille interritus poscit *testamenti tabulas:* ac, denegante Centurione, conversus ad amicos, quando meritis eorum referre gratiam prohiberetur, quod unum iam et pulcherrimum habebat, imaginem vitae suae relinquere, testatur: *cuius si memor es- sent, bonarum artium famam, tum constantis amici- tiae laturos.* Simul lacrimas eorum, modo sermone, modo intentior, in modum coercentis, ad firmitudinem revocat, rogitanus; *ubi praecepta sapientiae? ubi tot per annos meditata ratio adversum imminentia?* Cui enim ignaram fuisse saevitiam Neronis? Neque aliud superesse, post matrem fratremque imperfectos, quam ut educatoris praeceptorisque necem adiiceret.

LXIII. Vbi haec atque talia in commune disse-  
TACITVS I.

ruit, complectitur uxorem, et, paullulum adversus praesentem fortitudinem mollitus, rogit oratque, temperaret dolori, nec aeternum susciperet, sed in contemplatione vitae, per virtutem actae, desiderium mariti solatiis honestis toleraret. Illa contra, sibi quoque destinatam mortem, adseverat, manumque percussoris exposcit. Tum Seneca, gloriae eius non adversus, simul amore, ne sibi unice dilectam ad iniurias relinqueret: *vitae*, inquit, *delinimenta monstraveram tibi, tu mortis decus mavis. non invidebo exemplo.* Sit huius tam fortis exitus constantia penes utrosque par, claritudinis plus in tuo fine. Post quae eodem ictu brachia ferro exsolvunt. Seneca, quoniam senile corpus et parvo victu tenuatum lenita effugia sanguini praebebat, crurum quoque et poplitum venas abrumpit. Saevisque cruciatibus defessus, ne dolore suo animum uxorius infringeret, at que ipse visendo eius tormenta ad inpatientiam delaberetur, suadet, *in aliud cubiculum abscedere.* Et novissimo quoque momento suppeditante eloquentia, advocatis scriptoribus, pleraque tradidit, quae, in vulgus edita eius verbis, invertere supersedeo.

**LXIV.** At Nero, nullo in Paullinam proprio odio, ac, ne gliseret invidia crudelitatis, inhiberi mortem imperat. Hortantibus militibus, servi libertique obligant brachia, premunt sanguinem, incertum an ignarae. nam, ut est vulgus ad deteriora promptum, non defuere, qui crederent, donec in placabilem Neronem timuerit, famam sociatae cum marito mortis petivisse: deinde, oblati mitiore spe, blandimentis vitae evictam: cui addidit paucos postea annos, laudabili in maritum memoria, et ore ac membris in eum pallorem albentibus, ut ostentui esset, multum vitalis spiritus egestum. Seneca interim, durante tractu et lentitudine mortis, Statium Annaeum, diu sibi amicitiae fide et arte medicinae probatum, orat, pro-

LIB. XV  
riam pride-  
sionis iudi-  
que haustis  
pore advers-  
itate aquae  
addita voce  
RATORI.  
nimatus, si  
odicillis pr  
et praepote-

LXV. E  
tionibus oc  
Seneca, des  
Neronem, I  
Imperium  
tum ad su  
Flavii vulg  
dus demore  
Nero citha

LXVI. C  
ultra felic  
ium Rufum  
rem non te  
reindens Se  
guen. Ho  
qui ricem.  
cum, sed ve  
ras ceteris  
ad provincias  
Cassio milita  
bus, concrip  
LXVII.

Tribunos pe  
ad defension  
nibus et effe  
deu, postqua

*visum pridem venenum*, quo damnati publico Atheniensium iudicio extinguerentur, *promeret*: adlatumque hausit frustra, frigidus iam artus, et clauso corpore adversum vim veneni. Postremo stagnum calidae aquae introiit, respergens proximos servorum, addita voce: *Libare se liquorem illum IOVI LIBERATORI.* Exin balneo inlatus, et vapore eius exanimatus, sine ullo funeris solenni crematur. Ita codicillis praescripserat, cum etiam tum praedives et praepotens supremis suis consuleret.

LXV. Fama fuit, Subrium Flavium cum Centurionibus occulto consilio, neque tamen ignorante Seneca, destinavisse, *ut, post occisum opera Pisonis Neronem, Piso quoque interficeretur, tradereturque Imperium Senecae, quasi insolentibus claritudine virtutum ad summum fastigium delecto.* Quin et verba Flavii vulgabantur: *non referre dedecori, si citharœdus demoveretur et tragœdus succederet:* quia, ut Nero cithara, ita Piso tragico ornatu canebat.

LXVI. Ceterum militaris quoque conspiratio non ultra fefellit, accensis indicibus ad prodendum Fenium Rufum, quem eundem conscient et inquisitorum non tolerabant. Ergo instanti minitantique renidens Scevinus, *neminem*, ait, *plura scire, quam ipsum.* Hortaturque ultro, redderet tam bono *Principi vicem.* Non vox adversum ea Fenio, non silentium, sed verba sua praepediens et pavoris manifestus ceterisque, ac maxime Cervario Proculo Equite, ad convincendum eum connisis, iussu Imperatoris a Cassio milite, qui ob insigne corporis robur adstabat, conripitur vinciturque.

LXVII. Mox eorundem indicio Subrius Flavius Tribunus pervertitur, primo *dissimilitudinem morum ad defensionem trahens, neque se armatum cum inermibus et effeminatis tantum facinus consociaturum:* dein, postquam urgebatur, confessionis gloriam am-

plexus interrogatusque a Nerone, quibus caussis ad oblivionem sacramenti processisset: *Oderam te, inquit, nec quisquam tibi fidelior militum fuit, dum amari meruisti. odisse coepi, postquam parricida matris et uxoris et auriga et histrio et incendiarius exstitisti.* Ipsa retuli verba, quia non, ut Senecae, vulgata erant, nec minus nosci decebat militaris viri sensus incomptos et validos. Nihil in illa coniuratione gravius auribus Neronis accidisse constitit, qui, ut faciendis sceleribus promptus, ita audiendi, quae faceret, insolens erat. Poena Flavii Veiano Nigro Tribuno mandatur. Is proximo in agro scrobem effodi iussit, quam Flavius, ut *humilem et angustam* increpans, circumstantibus militibus, *ne hoc quidem, inquit, ex disciplina*. admonitusque, fortiter pretendere cervicem: *Vtinam, ait, tu tam fortiter ferias.*

LXVIII. Et ille multum tremens, cum vix duobus ictibus caput amputavisset, sacvitiam apud Neronem iactavit, *sesquiplaga imperfectum a se dicendo.* Proximum constantiae exemplum Sulpicius Asper Centurio praebuit, percunctanti Neroni, *cur in caedem suam conspiravisset?* breviter respondens, *non aliter tot flagitiis eius subveniri potuisse.* Tum iussam poemam subiit. Nec ceteri Centuriones in perpetiendis suppliciis degeneravere. At non Fenio Rufo par animus, sed lamentationes suas etiam in testamentum contulit. Opperiebatur Nero, ut Vestinus quoque Consul in crimen traheretur, violentum et infensem ratus: sed ex coniuratis consilia cum Vestino non miscuerant, quidam, vetustis in eum similitibus, plures, quia praecepit et insociabilem credebant. Ceterum Neronis odium adversus Vestinum ex intima sodalitate cooperat, dum hic ignaviam Principis penitus cognitam despicit, ille ferociam amici metuit, saepe asperis facetiis inlusus; quae, ubi multum ex vero traxere, acrem sui memo-

LIB. XV.  
rian celing  
Vestinus  
inxerat, l  
arem esse:  
LIX. I  
steante, quia  
im dominica  
cum cohort  
enatu Co  
re delectan  
foro aedes  
lat. Concl  
viriumque  
do metu  
no. Xxv  
simul pr  
medicus,  
infertur,  
semel ni  
qui simu  
omissi su  
exitum e  
Nero, sat  
ribus.  
LXX.  
l, proflu  
que et pa  
do abhue  
cordatus c  
militem,  
dilectar, v  
fit. Sen  
non ex pr  
rum perie  
pitolatum v

riam relinquent. Accesserat repens caussa, quod Vestinus Statiliam Messallinam matrimonio sibi iunxerat, haud nescius, inter adulteros eius et Caesarem esse.

LXIX. Igitur, non criminis, non accusatore existente, quia speciem iudicis induere non poterat, ad vim dominationis conversus, Gerelanum Tribunum cum cohorte militum inmittit: iubetque *praevenire conatus Consulis, occupare velut aream eius, opprime-re delectam iuuentutem*: quia Vestinus imminentes foro aedes decoraque servitia et pari aetate habebat. Cuncta eo die munia Consulis inpleverat conviviumque celebrabat, nihil metuens, an dissimulando metu: cum ingressi milites, *vocari eum a Tribuno*, dixere. Ille, nihil demoratus, exsurgit. et omnia simul properantur: clauditur cubiculo, praesto est medicus, absinduntur venae, vigens adhuc balneo infertur, calida aqua mersatur, nulla edita voce, qua semet miseraretur. Circumdati interim custodia, qui simul discubuerant, nec, nisi proiecta nocte, omissi sunt, postquam pavorem eorum, ex mensa exitium opperientium, et imaginatus et irridens Nero, *satis supplicii luisse*, ait, *pro epulis Consularibus*.

LXX. Exin M. Annaei Lucani caedem imperat. Is, profluente sanguine, ubi frigescere pedes manusque et paullatim ab extremis cedere spiritum, fervido adhuc et compote mentis pectore, intelligit, recordatus carmen a se compositum, quo vulneratum militem, per eiusmodi mortis imaginem obiisse tradiderat, versus ipsos retulit: eaque illi suprema vox fuit. Senecio posthac et Quintianus et Scevinus, non ex priore vitae mollitia, mox reliqui coniuratorum periere, nullo facto dictove memorando.

LXXI. Sed compleri interim urbs funeribus, capitulum victimis: alius filio, fratre aliis, aut pro-

pinquo, aut amico interfectis, agere grates Deis, ornare lauru domum, genua ipsius advolvi et dextram osculis fatigare. Atque ille, gaudium id credens, Antonii Natalis et Cervarii Proculi festinata indicia inpunitate remuneratur: Milichus, praemii ditatus, *Conservatoris* sibi nomen, Graeco eius rei vocabulo, adsumpsit. E Tribunis Granius Silvanus, quamvis absolutus, sua manu cecidit: Statius Proximus veniam, quam ab Imperatore acceperat, vanitate exitus conrupit. Exuti dehinc Tribunatu Pompeius, Cornelius Martialis, Flavius Nepos, Statius Domitius, quasi *Principem non quidem odissent, sed tamen existimarentur.* Novio Prisco, per amicitiam Senecae, et Glitio Gallo atque Annio Polioni, infamatis magis, quam convictis, data exsilia. Priscum Antonia Flacilla coniunx comitata est: Gallum Egnatia Maximilla, magnis primum et integris opibus, post ademptis, quae utraque gloriam eius auxere. Pelilitur et Rufius Crispinus, occasione coniurationis, sed Neroni invitus, quod Poppaeam quondam matrimonio tenuerat. Virginium Flaccum et Musonium Rufum claritudo nominis expulit. Nam Virginius studia iuvenum eloquentia, Musonius praceptis sapientiae fovebat. Clividieno Quietu, Iulio Agrippae, Blitio Catulino, Petronio Prisco, Iulio Altino, velut in agmen et numerum, Aegaei maris insulae permittuntur. At Cadicia, uxor Scevini et Caesonius Maximus Italia prohibentur, reos fuisse se, tantum poena experti. Atilla, mater Annaei Lucani, sine absolutione, sine suppicio dissimulata.

LXXII. Quibus perpetratis Nero, et concione militum habita, bina numum millia viritim manipularibus divisit, addiditque sine pretio frumentum, quo ante ex modo annonae utebantur. Tum, quasi gesta bello expositurus, vocat Senatum et triumphale decus Petronio Turpiliano Consulari, Cocceio Ner-

LIB. XV  
vae Praetor  
ni tribuit,  
super trium  
quaque effigie  
Nymphidio  
panca repe  
dium erit  
decorum in  
verat, ex  
forte quad  
sive C. Ca  
natri eius

LXXIII

Patres ha  
liberos in  
xit. Ete  
quam vir  
ut. Cet  
iuratione  
nosendi  
Neronis i  
ctis, ut c  
denissis,  
paridum  
Salienus  
ne conse  
li abuti  
composita  
tan ad na

LXXXI  
propria  
ren, in  
tione Ne  
bium lud  
tur men  
tet, temp

vae Praetori designato, Tigellino Praefecto Praetorii tribuit, Tigellinum et Nervam ita extollens, ut, super triumphales in foro imagines, apud palatium quoque effigies eorum sisteret. Consularia insignia Nymphidio: de quo, quia nunc primum oblatus est, pauca repetam. nam et ipse pars Romanarum cladem erit. Igitur matre libertina ortus, quae corpus decorum inter servos libertosque Principum vulgarerat, ex C. Caesare se genitum ferebat, quoniam forte quadam habitu procerus et torvo vultu erat: sive C. Caesar, scortorum quoque cupiens, etiam matri eius inlusit.

LXXIII. Sed Nero, vocato Senatu, oratione inter Patres habita, edictum apud populum et conlata in libros indicia confessionesque damnatorum adiunxit. Etenim crebro vulgi rumore lacerabatur, *tamquam viros insolentes ob invidiam aut metum extinxisset*. Ceterum coeptam adultamque et revictam coniurationem, neque tunc dubitavere, quibus verum noscendi cura erat, et fatentur, qui post interitum Neronis in urbem regressi sunt. At in Senatu cunctis, ut cuique plurimum moeroris, in adulacionem demissis, Iunium Gallionem, Senecae fratri morte pavidum et pro sua incolumitate supplicem, increpuit Salienus Clemens, *hostem et parricidam* vocans: donec consensu Patrum deterritus est, *ne publicis malis abuti ad occasionem privati odii videretur, neu composita aut oblitterata mansuetudine Principis novam ad saevitiam retraheret*.

LXXIV. Tum dona et grates Deis decernuntur, propriusque honos Soli, (*cui est vetus aedes apud circum, in quo facinus parabatur*) qui occulta coniurationis Numine retexisset: utque Circensium Cerealium ludicrum pluribus equorum cursibus celebraretur: mensisque Aprilis Neronis cognomentum acciperet: templum Saluti exstrueretur eo loci, ex quo Sce-

*vinus ferrum prompserat.* Ipse eum pugionem apud capitolium sacravit, inscripsitque IOVI VINDICI. In praesens haud animadversum: post arma Iulii Vindicis, ad auspicium et praesagium futurae ultiōnis trahebatur. Reperio in commentariis Senatus, Cetrialem Anicum, Consulem designatum, pro sententia dixisse, *ut templum D. Neroni quam maturrime publica pecunia poneretur.* Quod quidem ille decernebat, tamquam mortale fastigium egresso et venerationem hominum merito, quorundam dolo ad omnia sui exitus vertebatur. nam Deum honor Principi non ante habetur, quam agere inter homines desierit.

Cap. I.  
Bassus, q  
uen 3. N  
tectoria eas  
hes specta  
realium. (C  
ntra.  
7-9. I  
L. Vetus cu  
Mecanotria  
Tardia te  
Lazdunens  
iani frau  
Daturius S  
Tecidit sup  
na coactu  
tatu, si  
ereditio lu